

Комсомолть боевой ВКП(б)-нь Мордовский обкомть очередной задачац пленумонц колга

Састь кизоть инь мази шинза. Ляйхнен живописнай берякса и колхознай кели лугатне наряжавсть всякай паньчфса. Вирьхне и колхознай саттне гайняхть нармонень веселай мороса. Сембе вастова лаказь-лакай трудовой эряфсь. Кизоть нят инь мази пингонзон сембонь коряс оцю радостьса васьфнесазь тонафни иттне.

Синь пашксет желанида сянди, штоба отличнай и цебарь оценка мархта максомс йотаф материальнень коряс испытаниятнень и организованнайста йотафтомс кизонь каникулатнень.

Мордовияса тя кизоня панжеви пионерский и санаторнай 33 лагерь, синь эсост ваймай 6850 пионер и школьник. Башка райоттнень эзга тя тевти кунара ни кярьмодсть и сатсть аф калдяв результатт. Кепотьксонди сявомс Лямбирский районть, коса пионерский лагерсь сембе ширде аноклаф панжеманцты. Аф калдявста моли аноклама работась Торбеевань районца, коса кочкаф ни 6—7 тьожатть цалковайхть ярмак, аноклафт питаниянди эрявикс продуктат и ст. тов.

Но лама районга кода, например, Шайговский, Ст.-Синдровский райоттнень эса, тя тевть организоваданмац тячемс моли пяк лафчста. ВЛКСМ-нь райкомтнень школьной од ломанень и пионеронь отделхнень заведующайснонды, РайОНО-нь заведующайхненди эряви аф юкснемс, што пионерский лагерьхнень организоваданмаснон, продуктаса синь обеспечиндамаснон инкса кандыхть прямой и строжайшай ответственность. Синь лангозост путневи нинге сяда ответственной задача лагерьхнень мархта аф фатяви иттнень досугснон организоваданмаса. ВЛКСМ-нь Мордовский областной комитетть решениянц коряс арьсеф йотафтомс лагеря аф моли пионерхнень и школьникнень йоткса пяк интереснай работа. Арьсеф организоваданмса Саранск ошса идень экскурсионнай база, йотафовихть лама интереснай экскурсият промышленнай предприятиява, музейге, Темниковский заповеднику, организоваданвихть туристский похотт, уемас коря соревнованянт, етафовихть идень самостоятельность районнай и республиканский олимпиадат, и организоваданвихть идень образовательнай искусствань и юнай техниконь работань выставкат. Сембе тя ащи иттнени инь цебарь ваймамакс, кона вишкоптьсы и кемокстасы синь творческий способностьснон.

Тя тевса цебарь инициатива няфни Саранск ошень пионерский кудсь, конань руководителенза арьсесть йотафтомс Темниковский заповеднику и Атемарский пуронь (мелонь) панттенди экскурсият, Инсар ляйть кувалмова йотафтыхть шлюпочнай поход и лама лия оздоровительнай мероприятия, ВЛКСМ-нь сембе райкомтнень и народнай образованиянь районнай отделхнень инголе ащи ответственнойшай задача сян колга, штоба кизонь каникулхне улельхть организовадафт образцовайста.

Июнь 6—7-це шинзон эзда йотась ВКП(б)-нь Мордовский обкомть очередной пленумоц. Пленумса ульсть партийнь райкомонь и горкомонь секретарьхне, райононь и ошень Советонь трудячайнь депутатонь исполкомонь, горисполкомонь председателхне.

Пленумсь обсудил тяфтама кизефкст: тундань видемать итогонза, уборочнай кампанияти и велень хозяйствань продуктань заготовкатнени анокламаса и синь йотафтомасост задачатне, республикаса мясоставкаты коряс государственнай обязательстватнень пашкодемаса ходть колга и Б.-Игнатовский районца колхознай кадрань кочкамать и воспитандамать колга. Ня сембе кизефкснень коряс лихтьфт эрявикс решеният.

Оперативна вятемс руководства эрь кружокть мархта

ВКП(б)-нь ЦК-ть и ВЛКСМ-нь ЦК-ть пропагандать колга постановлениядот инголе областной комсомольский организацият эса ульсь ВКП(б)-ть историянц тонафнеманц коряс лама кружок. Но, ладямок комсомолса пропагандать нят исторический постановленианень коряс, кружоконь лувкссь ламода крьфтаф, мезсь макссь возможность ВЛКСМ-нь горкомтнени и райкомтнени укомплектовандамс илядыкс кружокнень проверяф и аноклаф пропагандистса.

Кружокне, конат организовадафт пропагандать колга ВКП(б)-нь ЦК-ть и ВЛКСМ-нь ЦК-ть исторический решенияснон коряс, марнек эсь прыснон оправдакшнесазь. Вов Ельниковский районца НКВД-нь райотделса организовадафт „ВКП(б)-ть историянц Краткай курсонц“ тонафнеманц коряс кружок, коса тонафни 12 ломань. Пропагандистсь Червяков ялгась ковти колмоксть йотафни занятият. Кружокть участниконза занятиятнени аноклакшнихть самостоятельна кудса, сашендыхть занятиятнени аноклафста, мезень сюнеда занятиятне йотнихть живейста, интереснайста.

Тяфта жа цебарьста работайхть политграмотань кой-кона кружокневок Б.-Березниковский районца. Тарта и Симкина велетнень эса комсомолецне тонафнихть политграмотань кружокса. Пропагандисттне Манякин и Асаков ялгатне аккуратна и живейста йотафнесазь занятиятнень. Но кружокнень инь ламосна нинге тянемс работайхть калдявста. Кода аф страна, но сави азомс, што нят кружокнень лангса кивок руководства аф вяти.

ВЛКСМ-нь тяфтама райкомтне, кода Б.-Игнатовский (секретарсь Французов ялгась), Мельцанский (секретарсь Кочетков ялгась) пропагандань кружковой формат йофси недоценивают. Мяльсна сембе комсомолецнень кошардомс ВКП(б)-ть историянц тонафнема самостоятельна. Комсомольский руководителхнень тяфтама шаблоннай отношенияснон сюнеда нят организациятнень эзда комсомолецнень паледа ламосна йофси аф работайхть эсь политический образованияснон кеподеманц лангса. Ромодановский районца организовадафт политграмотань 3 кружокт, ВЛКСМ-нь райкомсь кемокстась пропагандистт и тянь мархта аделазе эсь миссиянц. Райкомть агитациян и пропагандань отделонц заведующаец Лашина ялгась нльне афи содасыне, мзяра ломань нят кружокнень эса тонафни.

Аф терпимай отношения кружокнень лангса руководствать коряс ноляйхть и ВЛКСМ-нь Кочкуровский, Теньгушевский и Чамзинский райкомтневок. Кочкуровский районца, кепотьксонди, политграмотань 9-це кружоксь кизонь перьф йотафтсь аныцек 4 занятият. Райкомть работниконзонды тя тревожной положениась содаф, но мес бди синь тяза аф шарфнихть кодамовок мяль. Чамзинский районца политграмотань 20 кружокть эзда работай аныцек 12, а Теньгушеваса—7-ть эзда работай аныцек 2.

Задачась ащи сян эса, што лацкас использовать пропагандань тя формат, содамс эрь кружокть работанц и оперативна руководить сонь мархтонза.

Сарайкин.

Прудонь и водоемонь строямаса инициаторхнень ширеса

Июнь 6-це шистонза Воронежский областень Таловский райононь „Железнодорожник“ сельхозартелень колхозникне праздновандазь оцю победаснон. Синь аделазь ол прудонь строямаса земляной работаснон. Мараф 9 тьожатть кубометра лама грунт, ароптфт 4 водоемт и тиф теист порядка, прудть берягованза

ошафтф 700 шуфта. Водоемонь сооружениянь коряс работане вишкста молихть областть лама лия колхозганза.

Водоемонь строямаса колхознени технический лезксонь максомса сайхть сядошка научнай работникт, землеустроительхть, геолокт, гидротехникт, мелиораторхт. (ТАСС).



Закавказский Военной округонь часть-тнень эзга.

СНИМКАСА: Мотоциклистсь-разведчиксь, комсомолецсь П. И. Патновсь тактический занятияса.

Фотось Д. Черновть.
(ТАСС-ть фото-клишец).

Коде эряфс йотафневи „Железнодорожник“ колхозонь колхозникнень починцна

Таловский райононь „Железнодорожник“ сельхозартелесь колхозникнень починцон фатязь Торбеевский районца лама колхоз. Карл Маркстсь лемса колхозсь аф оцю, сонь эсонза лувондови сембоц 50 кудазор, но колхозникне работайхть пяддружнайста. Тундань видемать тядде синь аделазь майть 15-це шинцты. Тяни аделазь паринань сокаматы. Колхозть лангса вяти руководства сире большевиксь Василий Иванович Ростов ялгась.

Кодак звондась газетаса „Железнодорожник“ сельхозартелень колхозникнень сьормасна, Ростов ялгась пуропть колхознай собрания, коса корхтасть, кода тиесм эсь, аф оцю лянйязост сяда лама веде. Собранияса колхозникне арьсезь прудямс тя лянйять и тиесм сонь лангозонза плотина, конань кувалмоц ули 250 метра, келец 5—6 метрат, серец 8—10 метрат. Рамасть ни 3 тьожатть фкя кизоса карпт.

Откликнулись Таловский колхозникнень призывснонды и В. Рахмановский велень советста „Правда“ и „Политотделец“ колхозневок. „Правда“ колхозсь эсь собраниясонза арьсезь чистендамс прудть, тиесм 4 од эшихть и отремонтировандамс кафта ташта эшихть. „Политотделец“ колхозса колхознай собранияса арьсезь тиесм плотина, чистендамс кафта эшихть. Колхозникне нят работатнени ни кярьмодсть.

Но районца улихть нинге тяфтама колхоз, конатнень руководителсна тя тевть коряс нинге тянемс мезевок ашесть тий. Кепотьксонди сяфтыма Торбеевань велень советста „Комсомолец“ колхозть. Тяса ули оцю пруд, но сон апак аропт, улихть и лият.

П. Красников.

Торбеевский район.



Протасово велеста (Саранский район) пионеркатне-юннатне Т. Махановась (кержи ширеса) и К. Трясоруковась Протасовский НСШ-нь ученикатне.

Фотось А. Ивановъ.

Тонафнесазь большевизмать

Мордовторгонь первичнай комсомольская организация 35 комсомолец. Сембе синь тонафнесазь партиять историянц. 13 комсомолец тонафнихть кружокса, а лядихне тонафнихть самостоятельна. Но эряви азомс, што нят самостоятельна тонафнихне „Краткай курсть“ 5—6-це главадонза ичкози нинге ашестъ ту, а комсомолецне Конков и Шукшин ялгатне нинге аныцек кярмотькшихть „Краткай курсть“ тонафнемонза.

ВКП(б)-ть историянц тонафнемаса цебарь кепотькст аф няфни сонць комсомольский комитетъ секретарец Троельников ялгаске, конач тынемс нинге ащекшни „ВКП(б)-ть историянц Краткай курсонц“ 5-це главанц лангса.

Лама комсомолецт, кода Тюрин и кой-конат илатне мекпальден пингть йофси лоткасть тонафнемда. М. Ефремова.

Саранск ош.

Садти эряви азор

Лямбирский районъ „Харриат“ колхозонь комсомолецне, комсомолкатне и од ломатне обратились Мордовиянь сембе комсомолеченди, колхозникненди и колхозницатненди, штоба маластонь пингть Мордовиять шарфтомс панжи садкс.

Пяк калдявста отвечать „Харриат“ колхозонь комсомолецненди и колхозникненди обращенияонды Рузаевский районъ Перхляй велень „Пятилетка“ колхозонь руководителхне и комсомолецне. Колхозть ули пяк цебарь садоц, коса лувондови 1.200 лама марлю.

Тянийнь пингть садсь йордаф, сонъ эсонза аш сторож, сон апак перяк. Садь арась бесхозыйственнайкс. Мянъ тячемс апак шувонт марлюфненд алсна. Фруктань шуфтовятненд и марлюфненд йоткова яксекшнестъ жуватат, конань сюнеда лама марлю коськсь.

Эряви шарфтомс сядь серьезнай мяль колхозонь председатели Мартышкинти, колхозонь комсомольский организациати и сонъ секретаренцты, штоба ладямс садть мельге ухотъ путомс тоза азор. И. Геразин.

Вятихть культурно-массовой работа

Лац ладяф культурно-массовой работась Теньгушевский районъ „Комбайн“ колхозса. Тяс сембе комсомолецне паксяса колхозникненд йоткса йотафнихть читкат и беседат международной положеннять колга.

Тяда башка комсомолецне ноляихть бригадатненд эса стенной газетат, коса няфневихть колхозть передовой колхозниконза, а тифта жа калдявста работайхне. Шукшин.

Образцовайста васьфтемс идень творчествань олимпиадась

ВЛКСМ-нь ЦК-ть X пленумонц решениянц коряс тязизонь августста Москуса йотафтови идень творчествань Всесоюзной олимпиада.

Тя олимпиадась ингольтенд ётафтоф олимпиадатненд эзда ламода отличается.

Кода ни содаф, инголе смотратненд эса ученикне няфнестъ аныцек художественнай самодеятельностть. Тяни художественнай самодеятельността башка олимпиадась долженд няфтемс иттенд творчестванон искусствань, наукань и техникань областтненд эса.

Тяда башка ингольденд олимпиадатне ашезъ ванонда ся положеннять, штоба сонъ эсонза участникс уелельхть тонафнемаса отличникне или ударникне. Идень творчествань Всесоюзной, а тифта жа республиканский олимпиадасовок могут улемс ученикне, конат самодеятельнай кружокса работатъ сотнекшнесазь цебарьста и отличнайста тонафнемать мархта.

Тя важнейшай тевти анокламась няфни иттенд творческий инициативасост лама замечательнай кепотькст. Саранск ошень 1-це № средней школань 9-це классонь учениксь Полежаевсь пуроптсь моронь и кштимань идень ансамбль, конань эса примосихть участия пцтай 150 ученик. Тифтама жа ансамбль пуроптф Темникова ошень Сталинть лемса детдомса.

Олимпиадада башка республиканский центрса ули организавандаф изобразительнай искусствань и юнай техникненд работаснон коряс выставка. Лама ученикть тя выставкати аноклаихть модельхть и ст. тов.

Саранск ошень 12-це № средней школань ученикне республиканский ДТС-са тиихть металлургический заводонь электрофицированной машина ки мархта модель. Тяка жа школань 6-це классонь стирнятне Холоповась, Евстратовась и лиятне котф лангс стайхть „Сталин среди детей“ художественнай панно. Од Троицкий велень ученикне аноклаихть Советский Союзонь световой карта, а Берсеновский школань ученикне (Саранский район)—паровой машинань действующай модель.

Олимпиадати анокламаса, иттенд самодеятельностснон келептемаса сатфксне уелельхть басыдонга оцюфт, кда ба тя тевса школань и комсомольский организациань руководителхне афольхть нолда лама серьезнай аф сатыкст.

Аф кржа школава олимпиадати

аноклайхть аф сембе, а аныцек кой-кона ученикне. Комсомолонь кой-кона райкомтне районцауликс аф сатыксненд машфтомаснон инкса йофси аф тюрихть. Кепотьксонди, Ширингушский районца (ВЛКСМ-нь райкомть секретарец Кучерова ялгась), май ковть самс внутрешкольной смотрань йотафтомать коряснльне ашель планга.

Олимпиадати анокламась пяк калдявста моли Игнатовский районца. Игнатовский средний школаса ученикне аноклаихть аныцек литературнай журнал, а Кочкуровский начальнай школаса олимпиадати анокламаса нльне аф мольтфти кодамовок работа. Кадошкинский районца олимпиадати аноклама работати нолястъ аныцек тонафнемаса ударникненд и отличникненд. Тяда башка ВЛКСМ-нь райкомонь секретарсь Лунченкова ялгась коллективонь руководителхненд ориенировандакшнезень, што республиканский олимпиадась йотафтови заочна.

Комсомольский организациатне йофси калдявста вятихть руководства пионеронь куттненд и ДТС-нь мархта, мезень сюнеда Кадошкинский, Ардатовский, Дубенский и лия райоттненд эса внешкольной учреждениятне олимпиадати аноклама работатъ эзда аердсть.

Олимпиадати образцовайста анокламаса иттенди неизменная лезкс макссихть партийнай организациатне, конат эсь лучшей членцнон кемокстась оргкомитеттненди. Школатненди лездыхть драмань артисттне, искусствать коряс комитетонь работникне.

Но сави азомс, што тя важнейшай тевть эзда йофси аердсть профсоюзне, писателень Союзсь и радиокомитетсь. ВЛКСМ-нь ЦК-ть X-це пленумонц итогонзон коряс областной комсомольский активса писателень Союзть представителенз макссть вал, што синь сьормадыхть расскаст, пьесат и стак тов, но йотась ни 6-шка ков, а писательхне нинге ашестъ сьормад идень фкявок произведения.

Эряви, штоба сембе общественнай организациатне тя важнейшай работатъ йотафтоманцты кярмодельхть сяда курокона, и марса комсомольский организациатненд и народнай образованиян оргатненд мархта обеспечендалезь идень творчествань олимпиадась образцовайста йотафтоманц.

Астайкин.

Мордовский госкапеллась колхозненд эса

Ковылкинань соцкультурань кудса майть 24-це шистонза П. П. Емец ялгатъ руководстванц ала ульсь Мордовский государственнай капеллатъ выступлениянц.

Капеллатъ программаса рузонь, мокшень и СССР-нь иля народностень морхт.

Особенна лац моразь мордовский сказительница Беззубоватъ „Сталинть колга“ моронц, и мокшень „Эх, хотъ и шачень удалань“, рузонь „Во поле березинька стояла“ морхненд.

Тяни Мордовский капеллась выступает паксяса работай колхозникненд инголе.

А. Абакумова.

Ковылкинский район.

Западной Европаса войнась

Севернай Францияса июнь 5 и 6-це шинзон пингста бойхне йотнестъ Somma и Эн ляххненд кувалма оборонительнай рубежонь линияса. Германский войскактненд од крупнай наступлениясна, конач тиф тьса кода мярьгондихть Вейганть линиянц каршес, ащи непосредственной серьезнай угрозакс Парижити и долженд германский командованиять замысланзон коряс, синдемс французский сопротивлениять. Тя наступлениясь, однака, сонъ ушедомстонзакнге йотафневи германский войскактненди аф благоприятнай условиясь сянъ коряс, кода синь операциясна Голландияса, Бельгияса и Франциять севернай департаментонзон эса.

Васендакиге тяни аш кода нльня корхтамс сянъ колга, што мекольденд событиятненд мархта французский командованиясь фатяф врасплох. Мекольденд кафта неделятненд пингста сон серьезнайста аноклась германский войскактненд од наступленияснонды. Французские перегруппировывали эсь войскаснон и кемокнестъ од рубешт, башка араламс Парижть северо-восток ширде. Результатсатиевьсь „Вейганть“ „линия“, конач ащи лама опорнай пунктста, ня пункттне ащихть естественнай преградатненд фтала. Сон таргаф Ла-Маншть эзда сявомок Мажино линияти модемс и нежестькшни естественнай препятствиянь система лангс, конач ащи ляххненд эзда: югерса—Соммы, Брель, Ветюн, югса—Летт, Эн, Марна.

Фронтть сембе участваванза германский наступлениясь вятевсь крупнай бронетанковой вийхненд лезксснон ала. Французский оцекатненд коряс, действующай танкань лувксь пачкотькшни 2 тьожаньц. Йотамок Нижней Сомматъ туркс, германский войскактне июнь 6-це шистонза иляденди пачкодсть Брель ляйт видеста французский омбоце оборонительнай рубежити. Летт ляйтъ районца немецне шаштсть Эн ляйтъ севернай берягонцты модемс и занязь тя берягть вьре ащи вастстонза выгоднай позициятненд.

Французский войскактне всякай лаца кирнихть немецненд аф лоткиси атакаснон.

Июнь 5 и 6-це шинзон пингста оцю активностъ няфнестъ союзникненд авиациясна. Ульсь бомбардировандафт Франкфуртса, Кельнать и Мангейматъ районцон эса нефтехранилищатне, а тифтажа машинанинц центратне и машинакитне Эссенца. Дюсельдорфса, Кельнаса и Гамбургса. Союзникненд авиацияснон деятельности бойнь райоттненд эса ульсь ламода сяда лафча.

Германский авиациясь бомбардировандазень Южная Англиянь ошненд и действовандась марса наземнай войскактненд мархта. (ТАСС).

Кемонь кизот фкия работаса

Кемонце кизось ни работай Мокша Мазканя велень советса секретарькс Александров ялгась. Сон эсь честнай и добросовестнай работанц вельде оцю авторитетса и уважениясь пользовандай велень трудящайхненд йоткса.

Цебарь работанкса велень советсь Александров ялгатъ ламоксть казендезе питни казньеса.

В. Миряшкин.

Ст.-Синдровский район.

Ответ. редакторъ заместителец
И. ЧУДАЙКИН.